



Fasnecht
2022



40 Joor Trotzchöpf - 20 Joor Pfyfferling – mir (hei welle) fiire

D'Fasnacht isch e alti Tradition mit viele Faccette trotz Gegewind vo Behörde het me se immer chöne rette in frühnere Zyte, do duet me maskiert in d'Beize goh vieli Beziehige händ an dene Aläss dr Afang gnoh me het tanz, gsunge und sich unterhalte intrigiert und maskiert d'Lüt dört bi Luune ghalte bim demaskiere denn chunnt s'grosse Stuune, hejo ändlich weiss me, wär d'Lüt do het uf d'Schippe gnoh die Tradition isch leider vorbi, drfür goht's jetz ab uf dr Stross jedes Joor isch viel in dä Lieschtler Gasse los s'wird Pfiife und Drummler und me duet Schränze d'Freud, die kennt bi eus fascht keini Gränze und so git's au immer wieder neuü Clique, das isch toll jede macht mit, das isch eifach wundervoll

Vor 40 Joor, do duet e neuü Clique sich gründe drbi sind Kollege, Familienmitglieder und au Fründe me het sich trennt vo alte Kollege und so isch me als Trotzchöpf-Clique Lieschtel uf d'Gass usecho viel het me erläbt in dene Joor, viel schöni Sache me het eifach Freud am Fasnechtmache drummler und pfiife, mit voller Freud und viel Energie trotz Abgäng und Nachwuchsproblem isch me no immer drbi me git sich Müeh und zeigt sich in dä schönschte Chleider es git aber au druurigi Momänt wie überall, leider s'Läbe goht aber witer und me macht jedes Joor e neus Sujet, e mänge Traum wird wohr so duet me in däm Joor im Ueli brilliere und so dur Lieschtel dure marschiere

Vor 20 Joor, do git's wieder e neuü Clique d'Pfyfferling dien s'Liecht vo dr Wält erblicke me het sich mit alte Kollege überworfe und so isch's zu dere neue Gruppierig cho die Gruppe bleibt chlei und duet nur Pfiife dr eint oder ander cha das zwar nit begriffe doch es isch schön und wundervoll ei Marsch nach em andere z'pfiife, einfach toll s'Jubiläum wär zwar im 2021 gsi doch wäg dere Pandemie isch jo kei Fasnacht gsi und sit 5 Joor, do dien mir gmeinsam mit dä Trotzchöpf Fasnacht mache s'wird zäme probt und me duet viel Lache

Die letschte zwei Joor, do hei mir aber nüt z'lache gha zwei Daag vor dr Fasnacht 2020 fangt dä bosi Spuk denn a dr Berset, dä verchündet im Bundeshuus kei Fasnacht, keini Fescht, es isch e Gruus mir starte fascht dure, das cha doch nit si alles vergäbe, kei Fasnacht, d'Vorfreud isch vergäbe gsi doch es chunnt no schlimmer, im letschte Joor denne cha me wieder kei Holz im Stedtli verbrenne kei Fasnacht, kei Sujet, keini soziale Kontakt, nei s'goht niemer uff d'Stroos, alli bliebe dehei kei fröhlichs Lache, kei Fasnachtstriebe im Stedtli, jo es het e Mängem d'Freud an dr Fasnacht fascht gnoh

Jetz chöne mir aber wieder mit vollem Elan pfiife und drummler dur d'Lieschtler Gasse in euse Kostüm bummle es isch e Freud, dass es das wieder git dank em Komitee goht's wieder los, das isch e Hit sie hei nie dra zwieflet und mache in schwere Zyte Muet vieli chönne das nit verstoh, wie guet das tuet mir zwei Clique chönne ändlich fiire und si ganz stolz es git sogar dr Chienbäse „light“ mit viel Tanneholz d'Freud isch zrug und me duet wieder lache es isch eifach schön, wieder Fasnacht z'mache mir laufe hinter euser Ladäärme dri sie isch zwar nit so gross, eher chli drum fertig jetz, s'goht wieder los „Vorwärts Marsch“, mir gönge ab uf d'Stross